



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱԿԱԿՈՌՈՒՊՑԻՈՆ ԿՈՄԻՏԵԻ  
ՆԱԽԱԳԱՀ

Հայաստանի Հանրապետություն 0012, ք. Երևան, Վ.Վաղարշյան 13<sup>ա</sup>, հեռ.՝ (011) 90 00 01

№ 18-3200գ-22  
« 15 » 04 2022 թ.

**Հայաստանի Հանրապետության  
ոստիկանության պետ,  
ոստիկանության գեներալ-մայոր  
Վահե Ղազարյանին**

**Հարգելի՛ պարոն Ղազարյան**

ՀՀ հակակոռուպցիոն կոմիտեի բոլոր աշխատակիցների և անձամբ իմ անունից ջերմորեն շնորհավորում եմ Ձեզ և ՀՀ ոստիկանության ողջ անձնակազմին մասնագիտական տոնի՝ Ոստիկանության օրվա առթիվ:

Ոստիկանը մշտապես հանրային անվտանգության ապահովման առաջնագծում է, հասարակության կողքին և նրա տեսադաշտում: Այս տեսանկյունից ոստիկանության ծառայողն առավել մեծ պատասխանատվություն է կրում մարդու և քաղաքացու իրավունքների ու ազատությունների պաշտպանության, հասարակական կարգի պահպանության գործում: Այսօր ոստիկանի ծառայությունը մասնագիտական պրոֆեսիոնալիզմից բացի ենթադրում է նաև սրտացավություն և դիմացիներին անձնվիրաբար օգնելու պատրաստականություն, ինչի շնորհիվ մեր երկրում օրեցօր բարձրանում է նրա նկատմամբ հանրային վստահությունը:


Անուրանալի է նաև ոստիկանների կողմից տարվող ամենօրյա բարդ աշխատանքը հանցավորության դեմ պայքարի, այդ թվում՝ կոռուպցիոն դրսևորումներին հակազդելու ուղղությամբ: Վստահ եմ, որ հատկապես այդ ոլորտում ՀՀ ոստիկանության և ՀՀ հակակոռուպցիոն կոմիտեի միջև համագործակցությունը ոչ միայն շարունակական բնույթ կկրի, այլև կդառնա ավելի սերտ ու արդյունավետ:

Լիահույս եմ, որ ոստիկանությունն այսուհետև ևս կշարունակի նույն նվիրումով իրականացնել իր պատասխանատու առաքելությունը՝ նպաստելով պետության կայունության ապահովմանն ու իրավակարգի ամրապնդմանը:

Կրկին շնորհավորելով՝ մաղթում եմ կամք, ուժ, վճռականություն և բարի ծառայություն:

**Հարգանքով՝**

**Արդարադատության երրորդ դասի  
պետական խորհրդական**



**Սասուն Խաչատրյան**